

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



**In vaira teater en la psichiatria**  
*«Che narramaint!»: La grupp da teater Ratatuglia S-chanf preschenta puspè ina cumedia.* **Pagina 7**



**«La bova» – in nov roman da Guido I. Tomaschett**  
*Dacurt ha Guido I. Tomaschett preschenta ses proxim cudesch. Quel tracta era «La bova» da Zignau.* **Pagina 5**

FMR FUNDAZIUN MEDIAS RUMANTSCHAS  
 südostschweiz

**GRISCHUN**

**Electric empè da diesel**

Er la branscha da transport e logistica sa mida pass per pass vers la mobilitad electrica. Dapi quest onn ha la Hans Fischer Logistik SA cun sedia a Vaz Sut ses camions electrici en sia flotta da 50 vehichels. Per Urs Schädler, mainagestiun da l'interpresa, è quest pass be l'entschatta: «Nossa finamira è d'avair in terz da la flotta cun in motor electric.» Camions electrici custan trais giadas dapli che models da diesel. Ina midada po dentant en tscherts cas far senn, surtut er perquai ch'ìs camions electrici èn deliberrads da la taxa sin il traffic pesant anc enfin l'onn 2030. Ma per Urs Schädler èsi cler: il camiun da diesel na vegn betg a svanir dal tut. (fmr) **Pagina 2**

**SURSELVA**

**Il sport da skis ei attractiv**



Els ein ils hospes futurs dil territoris da skis – ils affons. FOTO SURSELVA TURISSEM

Las empremas entradas che las pendicularas sursilvanas han generau duront l'emprema mesadad dalla sesiun da skis 2024/25 muossan che ir cun skis ei ordvart attractiv. Gest en Surselva ein ils hospes svizzers aunc adina la pli impurtonta part dals hospes. Las prognosas d'avon varga diesch onns ch'igl'interess principalme in dalla giuventegna viers il sport da skis tschessi ein buca severificadas. La branscha da skis svizra ha cun sustegn da cantuns e Confederaziun lantschau avon diesch onns ina iniziativa per carmalar scolaras e scolar sin pista. E sco ei para han las stentas purtau freg. En Surselva dat ei divers menaschis turisticis cun ina purschida che sedrezza als basegns da gruppas e scolar. (fmr/ac) **Pagina 5**

**SURSES**

**Teater da tschaiver a Riom**

Ina famiglia caotica, bleras manzegnas ed in funcziunari da la polizia minuzius – ils 21 ed ils 22 da favrer 2025 preschentan l'Uniu da dunnas ed il Chor viril Riom-Parsonz-Cunter il toc «En atmosfera bumbastica». En questa cumedia da Noelle Brunner transladata da Salome Demarmels sa chatta la famiglia Fontana nunspegadain sin il post da la polizia da l'eroport enstagl dad esser sin il viadi en l'Italia. Qua s'accorschan ils Fontanas dentant spertmain ch'in sgol manchent è probablmain lur pli pitschen problem. Igl è ina constellaziun comica cun bleras surpraisas. (fmr/vit) **Pagina 8**

## Offensiva solara en Surselva

L'Axpo baghegia definitivamein si'ovra da fotovoltaica gronda en Val Nalps. Ed en Stussavgia vegnan vischinas e vischins orientai l'autra jamna davart dus grands implonts solars. Il Solarexpress ei pia sin buna via atras la Surselva.

HANS HUONDER E MARTIN GABRIEL/FMR

Suenter che la Solar Sedrun SA ha lantschau las lavurs da baghegiar si'ovra da fotovoltaica a Scharinas, entscheiva primavera era la construcziun dall'ovra NalpSolar. Era quella sesanfla sin intschesch da Tujetsch. L'ovra NalpSolar ei calculada cun cuosts da rodund 50 milliuns francs e furnescha energia ella dimensiun dil consum da rodund 2000 casadas. Nezegiada vegn quella denton ils emprems 20 onns dalla Viafier federala.

**«Per far in meini havein nus aunc memia paucas informaziuns.»**

Lucas Züst, president communal da Val Stussavgia

En planisaziun ein era duas ovras da fotovoltaica en Val Stussavgia. Gievgia, ils 13 da fevrer 2025 vegnan vischinas e vschins orientai davart quellas. Ellas ein previdas sill'Alp Falätscha e sill'Alp da Tenna. Omisduas ensemen producessen electricitad per 7000 casadas. Las ovras vegnan planisadas da SN Energias Regenerablas SA da Sogn Gagl. La supra-stonza communal da Val Stussavgia ei aviarta pils projects. Tonaton di il president communal Lucas Züst: «Per far in meini havein nus aunc memia paucas informaziuns.» **Pagina 3**

*«Cuort ed intensiv – ma bel.»*

*Probabel ina frasa ch'ins po duvrar en plinas occasiuns! En quest cas di quai la reschissura d'in teater popular. – Pagina 7*



FOTO HANS GERBER/ETH-BIBLIOTHÈK/BLDARCHIV

## Ün Beatle süllas pistas engiadinaisas

A John Lennon nu's vezza be il film «Help» scu ch'el vu culs skis. Dal Beatle do que eir fotografias ed ün cuort film cha'l muossan sün pistas engiadinaisas. El ho nempe passanto cun sia prüma duonna Cynthia Lennon avaut precis 60 ans duos eivnas vacanzas d'invieri a San Murezzan. E John Lennon ho perfin scrit üna chanzun i'l Badrutts' Palace, nempe «Norwegian Wood». (fmr/cam) **Pagina 7**

40006 Servetsch d'abunents e da distribuziun: tel. 0844 226 226 mail: abo@somedia.ch